

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA**

Broj: T04 0 KT 0067775 26
Zenica, 02.04.2026. godine

**OPĆINSKI SUD U ZAVIDOVIĆIMA
Sudija za prethodno saslušanje
ZAVIDOVIĆI**

Na osnovu člana 45. stav 1. i 2. tačka i), člana 241. stav 1. i člana 242. Zakona o krivičnom postupku Federacije Bosne i Hercegovine (ZKP F BiH), podižem,

OPTUŽNICU

Protiv:

F.E., neosuđivan,

Što je:

Dana 22.01.2025. godine, u 14,29 sati, na području općine Z., ugrozio sigurnost više osoba ozbiljnim prijetnjama da će napasti na život tih osoba, na način da je sa svog mobilnog telefona korisničkog broja: ... uputio poziv na telefonski broj UR ..., vlasništvo Ž.L., a koji broj služi za zaprimanje narudžbi i na koji su mu se tom prilikom javile radnice K. M. i J. E., koje je pitao da li se u objektu nalaze gazde L. i A., na što su mu odgovorile da nisu u objektu, nakon čega im se obratio riječima „L. i A. su mi ostali dužni 6.000,00 KM, doći ću u Z., zapalit ću ... i sve ću pobiti“, a zatim je prekinuo poziv, o čemu su radnice K. M. i J. E. upoznale vlasnicu UR ... Ž.L., svjestan da takvim prijetnjama ugrožava sigurnost Ž. L. i A., što je i htio, uslijed čega je kod istih izazvao osjećaj nesigurnosti i straha za vlastiti život i tijelo,

dakle, ozbiljnom prijetnjom da će napasti na život i tijelo ugrozio sigurnost više osoba, čime je počinio krivično djelo „Ugrožavanje sigurnosti“ iz člana 183. stav 2. KZ FBiH.